

# Ang Tambag sa Ginoo ngadto sa mga Misyonaryo diha sa Doktrina ug mga Pakigsaad 30–36

Tun-i ang tambag sa Manluluwas ngadto sa mga indibidwal nga gilista sa ubos, ug hisgoti ang mosunod nga mga pangutana.

Doktrina ug mga Pakigsaad 31:1–5 (Thomas B. Marsh)

- Unsa ang pipila ka mga kamatuoran gikan niini nga mga bersikulo nga makatabang kanimo nga makasabot kon nganong ang Manluluwas mihangyo kanato sa pagpakigbahin sa Iyang ebanghelyo?
- Ngano sa imong hunahuna nga si Jesukristo mipasabot sa Iyang ebanghelyo isip “maayo nga mga balita sa dako nga kalipay”? (bersikulo 3). Sa unsang paagi nga ang ebanghelyo sa Manluluwas makahatag kanimo og hingpit nga kalipay?

Doktrina ug mga Pakigsaad 33:1–7, 10–12 (Ezra Thayer ug Northrop Sweet)

- Unsa ang pipila ka mga kamatuoran gikan niini nga mga bersikulo nga makatabang kanimo nga makasabot kon nganong ang Manluluwas mihangyo kanato sa pagpakigbahin sa Iyang ebanghelyo?
- Ngano kaha nga gusto sa Ginoo nga ipahayag ang Iyang ebanghelyo sa makusog nga tingog sama sa “tunog sa trumpeta”? (bersikulo 2).

Doktrina ug mga Pakigsaad 34:1–7 (Orson Pratt)

- Unsa ang pipila ka mga kamatuoran gikan niini nga mga bersikulo nga makatabang kanimo nga makasabot kon nganong ang Manluluwas mihangyo kanato sa pagpakigbahin sa Iyang ebanghelyo?
- Ngano kaha nga kita “labaw nga bulahan” (bersikulo 5) tungod kay gitawag kita aron sa pagsangyaw sa ebanghelyo sa Manluluwas kaysa sa yanong pagtuo niini?

Doktrina ug mga Pakigsaad 35:1–3, 6–8, 12–13 (Sidney Rigdon)

- Unsa ang pipila ka mga kamatuoran gikan niini nga mga bersikulo nga makatabang kanimo nga makasabot kon nganong ang Manluluwas mihangyo kanato sa pagpakigbahin sa Iyang ebanghelyo?
- Ngano sa imong hunahuna nga ang Ginoo mitawag sa “walay nakat-onan” ug sa walay kasinatian nga mga tawo sa pagpahayag sa Iyang ebanghelyo ngadto sa “mga kanasoran” sa kalibotan? (bersikulo 13).